

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

«Коми Республика мутасын вөр йитөдъяс ладмөдөм йылысь» Коми Республикаса Оланпасө вежсьөмъяс пыртөм йылысь

Примитөма Коми Республикаса
Каналан Сөветөн

2022 вося вольгым төлысь 30 лунö

1 статья. Пыртны «Коми Республика мутасын вөр йитөдъяс ладмөдөм йылысь» Коми Республикаса Оланпасө (Коми Республикаса канму власьт органъяслөн индөд-тшөктөмъяс, 2007, 4 №, 4766 ст.; 6 №, 4843 ст.; 8 №, 4932 ст.; 9 №, 4986 ст.; 11 №, 5148 ст.; 12 №, 5355 ст.; 2008, 2 №, 9 ст.; 6 №, 279 ст.; 9 №, 397 ст.; 11 №, 616 ст.; 2009, 7 №, 78 ст.; 11 №, 186 ст.; 21 №, 368 ст.; 33 №, 617 ст.; 2010, 24 №, 571 ст.; 2011, 23 №, 602 ст.; 2012, 63 №, 1543 ст.; 2013, 5 №, 103 ст.; 2014, 9 №, 112 ст.; 27 №, 514 ст.; 2016, 12 №, 147 ст.; 21 №, 327 ст.; 2017, 26 №, 460 ст.; 2018, 14 №, 241 ст.; 2019, 15 №, 208 ст.; 2021, 3 №, 45 ст.; 2022, 9 №, 123 ст.) татшөм вежсьөмъяс:

1. 2 статьяса 2 пункт гижны тадзи:

«2) Россия Федерацияса Оланподулөн, федеральной оланпасьясөн, Коми Республикаса Оланподулөн да Коми Республикаса оланпасьясөн урчитөм мукөд уджмог.»

2. 3 статьяса 6 пункт гижны тадзи:

«б) федеральной оланпасьяс, Коми Республикаса Оланподув да Коми Республикаса оланпасьяс серти мукөд уджмог.»

3. 4 статьяса 1 юкөнын:

1) 14⁴ пунктын «4 юкөн серти» кивьяс вежны «3 юкөн серти» кивьясөн;

2) 14⁷ пунктын «динму төдчанлуна» кивьяс вежны «республика төдчанлуна» кивьясөн;

3) содтыны татшөм сюрөса 14¹³ пункт:

«14¹³) Коми Республикалөн эмбурө пырысь вөръяс да вөр участокъяс серти вөр овмөс котыртан да нуөдан мероприятияяс збыльмөдөм, лесничествояс, наө пырысь лөсьөдан участкөвөй лесничествояс, кутшөмъяс меститчөны Россия Федерацияса вөр кодекслөн 23 статьяса 2 юкөнлөн 4 пунктын индөм муяс вылын (республика төдчанлуна торйөн ёна видзан вөр-ва мутасьяс серти), лөсьөдөм, бырөдөм йылысь, налысь мудорьяс урчитөм да вежөм йылысь помшүөмъяс примитөм;».

4. 4¹ статьяын:

1) 1 юкөнын:

а) медводдза абзацын «древесина заптөм кындзи» кивьяс бөрын содтыны «(водзö – гражданаөн асланыс могъяс вылө древесина заптөм)»

кывъяс;

б) 2 да 3 пунктъясын «блокируйтөмөн стрөитөм олан пу керкаын» кывъяс вежны «блокируйтөмөн стрөитөм пу керкаын» кывъясөн;

2) 1¹ юкёнын:

а) медводдза абзацын «блокируйтөмөн стрөитөм олан пу керкаын» кывъяс вежны «блокируйтөмөн стрөитөм пу керкаын» кывъясөн;

б) мөд абзацын «блокируйтөмөн стрөитөм олан пу керка» кывъяс вежны «блокируйтөмөн стрөитөм пу керка» кывъясөн;

3) 2¹ юкёнын «олан» кыв киритны.

5. 4² статья гижны тадзи:

**«4² статья. Гражданаён асланыс могъяс вылө
древесина заптан пöрадок**

1. Граждана заптöны асланыс могъяс вылө древесинасö вöр пуктасъяс ньöбан-вузалан сёрнитчöмъяс подув вылын, кутшöмъясöс кырымалöма Россия Федерацияса оланпастэчасөн да Коми Республикаса оланпастэчасөн урчитöм пöрадокын вöр йитöдъяс юкёнын Коми Республикаса уполномочитöм олöмö пöртысь власът органкöд.

2. Граждана заптöны асланыс могъяс вылө древесинасö вöр оланпастэчасö, сы лыдын вöръясын пöжарысь видзчысян правилöясö, вöръясын санитарнöй видзчысянлун правилöясö, а сідзжö вöр пуктасъяс ньöбан-вузалан кырымалöм сёрнитчöмъяслөн условиясö кутчысьöмөн öтпомся либö бöрйöмөн кералöмөн.

3. Гражданин вермö заптыны аслас могъяс вылө древесинасö ачыс да (либö) корны мукöд йöзöс сійöс заптöм вылө Россия Федерацияса оланпастэчас серти оформитöм гражданскöй-инöда сёрнитчöм либö эсканпас подув вылын.

Сэк, кор гражданин ачыс заптö аслас могъяс вылө древесинасö либö веськыда пырöдчö мукöд йöзөн сійöс заптöмö, колö, медым гражданинлөн вöр лэдзанинын да вöрысь древесина нуигөн, ас дорас вöлі мортöс эскöдысь документ либö сылөн копия.

Сэк, кор аслас могъяс вылө древесинасö заптöны мукöд йöз, кор гражданиныс абу, колö, медым индöм йöзлөн вöр лэдзанинын да вöрысь древесина нуигөн ас дораныс вöлі тайö юкөнса медводдза абзацын индöм документъяс пиысь öтиыс либö сылөн копияыс.»

6. 4³ статьяса 2 пунктын «медицина организацияслөн, учреждениеяслөн, культура» кывъяс вежны «медицина организацияслөн, культура учреждениеяслөн» кывъясөн.

7. 4⁴ статьяса 7¹ юкёны гижны тадзи:

«7¹. Ув-бадь заптöгөн чукöртöны му вылын куйлысь пучöръяслысь, увъяслысь колясъяссö, кутшöмъяс оз лоны вöр лэдзанинъясын кералöм колясъясөн да (либö) кутшöмъяс артмöмаöсь пуяслөн ас кулöм вöсна, лёк организмъясөн жугöдöм, пöрöм, лымйөн личкöм да ывла вывлөн мукöд петкöдчöм дырйи.

Ув-бадьсö позьö заптыны во гөгöр чöж.

Ув-бадь заптöгөн позьö вöдитчыны кипом инструментөн (кипом

пилаясөн, черьясөн, кокни бензопилаясөн).».

2 статья. Тайö Оланпасыс вынсялö сійöс официальнöя йöзöдан лун бöрын дас лун кольöм мысти.

Коми Республикаса Веськöдлан котырлы лöсьöдны ассьыс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2022 вося öшым тöлысь 5 лун

115-РЗ №